

ARRANTZA. Madrilgo Legebiltzarrak datorren astean onartuko du PP alderdiaren erabateko gehiengoari esker

EAJk Espainiako Arrantza Lege «zentralista» salatu du

EAEk alor horretan dituen eskumenak Legeak murriztu egingo dituela diote jeltzaleek

Joseba Aiarza | BILBO

EAJk gaitzetsi egin du Espainiako Legebiltzarrak datorren astean onartuko duen lehenengo Arrantza Legea, «zentralista eta bateratzailea» delako. Iñaki Txueka eta Ricardo Gatzagaetxebarria diputatu eta senadore jeltzaleek azaldu dutenez, arrantza jarduera arautzeko legea beharrezkoa izan arren, PPk bere gehiengoari esker onartuko duenak ez die komunitate autonomoei eta sektoreari arrantzaren inguruko eraba-

kietan esku hartzea ahalbidertuko.

Hala, Legeak ez dio EAERI itsasaldetik 12 miliatara arrantzaren kudeaketa baimenduko, nahiz eta erkidego autonomoek dagoeneko itsasoaren tarte horretan sorospen eta ingurumen alorretan eskumenak izan. Horrez gain, arrantza debekaldien, sareen eta arrainaren tamainaren inguruko eskuduntzak Estatuak gordeko ditu, Legeak berriaz sortuko duen Arrantza Kontseiluari emateko.

Arrantzale kofradientzako federazio bakarra

EAJren asmoa ez omen da Estatuari eskumenak kentzea, baizik eta «legedia garatzeko erkidego automoen eta sektoreko ordezkarien partaidetza bideratzea». Hala, Legeak baxurako kofradien federazio bakarra egotera behartzen du, gaur egungo Espainiako Arrantzale



GARI GARAIALDE

‘Berriz Amatxo’ Hondarribiko ontziaren uretaratzea

Berriz Amatxo izeneko baxurako itsasontzi berria uretaratu zuten atzo Hondarribiko uretan. Fermin Amunarriz armadoreari egokitu zitzaion uretaratzea. Hainbat pertsona pertsonak ikusi zuten ekimena. Itsasontzia beira zuntzarekin indartutako

poliesterrarekin eraiki dute eta hegaluzeak arrantzatzeko egokitua izan da. Ontziak 21 metroko luzera du eta zabalera 6 metrokoa, zortzi arrantzale bertan ibiltzeko adinako lekua, beraz. Ontziak erakundeen laguntza jaso du.

Kofradien Federazioa hain zuzen, nahiz eta gaur egun EAEko eta beste hainbat erkidegotako kofradiek bere burua Federazio horretatik kanpo kokatu.

Arrantza eskubide edo kuoten banaketa ere erkidegoen eta sektorearen berezitasuna

aintzat hartu gabe egitea jasotzen du Legeak. Halaber, ontziak eraiki edo berrizatzeko egitasmoak, orain arte gobernu autonomoen eskuduntza izan arren, Legeak Madrilgo Gobernuaren baimenezko txostena eskatuko du baldintza gisa.

Funtsean, Legeak itsas arrantza arautzeko ahalmena Estatuaren esku uzte du, eta komunitateen eskumenaren menpe arraina porturatu ordutik elikagai bilakatu arteko prozesuak uzten ditu, hala nola kontserba, eraldaketa eta garraioa.

AURREZKI KUTXA. PSE-EE, PP eta EHren bozei esker onartu du foru araua

Gipuzkoako Batzar Nagusietako ordezkarien arabera aukeratuko dira Kutxako kontseilariak

Erredakzioa | DONOSTIA

Gipuzkoako Batzar Nagusietako atzoko bilkuran PP, EH eta PSE-EEren bozei esker alderdi sozialistak apirilean aurkeztu foru araua onartu zen. Arau berraren bidez hemendik aurrera Batzar Nagusiek ganberako alderdien ordezkariaren arabera aukeratuko dituzte Kutxako kontseilariak, lehen Gipuzkoako Foru Aldundiak egiten zuen bitartean.

Bozketaren aurretik Batzar Nagusietako arau zerbitzuek proposamenari buruz aurkeztu txostenean azaldu zuten ganberak «ahalmen nahikoa» du aurrezki kutxaren kontseilariak aukeratzeko. Argudioarekin ez zetozen bat, ordea, EAJ eta EA alderdiak, eta akordioa «erabat ilegala» dela baloratu zuten.

Asier Aranbarrik EAJko bozeramaileak PSE-EEri, «PPren laguntzarekin», EHrekin akordio bat adostu izana leporatu zion. Alderdi horiei gogorarazi zion Arabako Vital Kutxan



JUAN HERRERO / EFE

Gipuzkoako Batzar Nagusien bilkura bateko artxiboko irudia.

haiek soilik dutela ordezkaritza eta ez da kointzidentzia soila oposizioak bat egin izana. Jose Antonio Recondo EAKo ordezkariarentzat «paradoxikoa da» EHrekin elkarrizketa izateagatik zigortzen dutenek, gero haien buruei ezker abertzalearekin batera oposizioa egiteko baldintzak ez ezartzea.

Juan Carlos Cano PPko batzarkideak baztertu egin zuen EHrekin akordia eduki izana.

Xabier Olano EHko kideak ere gezurtatu egin zuen akordioa egon izana eta EA zein EAJri oroitarazi zien Kutxa, «gipuzkoarron baliabideak kudeatzen dituen heinean», ez dela alderdion «gune pribatua».

LAGURREAN

Mitsubishi Japoniako konpainiak 9.000 kaleratze eta fabrika baten itxiera iragarri du



TORU YAMANAKA / EPA
Takashi Sonobe.

Takashi Sanobe Mitsubishiko lehendakariak atzo iragarri zuen konpainiak 9.000 langile kaleratzeko eta fabrika bat itxeko asmoa duela. Neurriko administrazio kontseiluan onartutako berregituraketa planaren barnean sartzen dira. Mitsubishik, urtero ekoizten duen auto kopurua milioi batera murriztea eta modeloak erdira jaistea erabaki du. Neurrian pisu handia izan du orain urtebete enpresaren %34aren jabe egin zen Daimler-Chryslerrek. Ira-

gan udan azken 30 urteetan sistematikoki matxurak izan dituela jakin zenetik salmentek jaitsiera handia izan dute.

Guascor enpresak hiru kogenerazio planta instalatu ditu Dominikar Errepublikan

Guascor enpresak hiru kogenerazio planta zabaldu ditu Dominikar Errepublikako hiru hoteletan, 2.000 milioi pezetako inbertsioarekin. Energi instalazio hauek automatikoak dira, ez dute pertsonalik behar eta argindar etendurak eraigozteko sistemak dituzte.

Chunlan talde txinatarrak 1.000 milioi pezeta inbertituko ditu Tafallako lantegi batean

Chunlan talde txinatarrak 1000 milioi pezeta inbertituko ditu Nafarroako Tafalla herrian zabalduko duen lantegian. Foru Erkidegoko lantegia Europako operazio gunea izanen da eta aire egokitzeko sistemak egiten dira bertan. 100 lagun enplegatuko ditu.